

БЕССАРАБИЯТЬ И БУКОВИНАТЬ СЕВЕРНАЙ ПЯЛКСОНЦ КОЛГА КИЗЕФКСТЬ КОРЯС СОВЕТСКО-РУМЫНСКИЙ КОНФЛИКТТЪ МИРНАЙСТА РАЗРЕШЕНИЯЦ (ТАСС-ть сообщенияц)

Июнь 26-це шистонза ССР-нь Союзонь Совнаркомъ Председателец В. М. Молотов ялгась тисъ Москуса румынский посланникти Давидеску господинти тяфтама представления:

«1918 кизоня Румыниясь, пользовандамок Россиять военной слабостенц мархта, насильственна сязове Советский Союзть—(Россиять) кядьста сонъ территориянц паялксонц — Бессарабиять и сяконь мархта нарушандазе Бессарабиять, коса сембода ламось эрийхть украинецт, и Украинский Советский республикатъ вековой единстваснон.

Советский Союзсь мзярдонга изъ мирендакшне Бессарабиять насильственна фатяманц колга фактть мархта, мезень колга СССР-ть Правительстват аф вестъ и открыта корхнесь сембе мирть инголе.

Тяни, мзядра СССР-ть военной лафчашип лядсь фталу, а таниень международнай обстановкасъ вешти, штоба инъ курока уелъхть решандафт прошлайть эзда наследстванди получаф атак решандак кизефксне сянкса, штоба путомс, наконец, основат странатненъ йоткса йотай мирти, Советский Союзсь лувондсы необходимайкс и своевременнайкс справедливостть ладяманц интереса кярмодемс марса Румыниять мархта Советский Союзти Бессарабиять мрдафтоманц колга кизефксть тятикиге решандаманцты.

СССР-ть Правительстват лувондсы, што Бессарабиять мрдафтоманц колга кизефкснь органически сотф Советский Союзти Буковинать ся паялксонц максоманц колга кизефкснь, конань населенинц сембода оцю паялксонц сотф Советский Украинать мархта, кода исторический судьбаснон общостенц коряс, стане и кяльснон и национальн составснон общостенц коряс. Тяфтама актсь уелъ ба паяк справедливый нинге сяс, што Буковинать Севернай паялксонц Советский Союзти максомац мог ба максомс,—правда, аныцек аф лама,—средстват ся паяк оцю ущербъ инкса, кона ульсь тиф Советский Союзти и Бессарабиять населенинцты 22 кизонь пингста Бессарабияса Румыниять господстванц мархта.

СССР-ть Правительстват предлагает Румыниянь Королевский Правительствати:

1. Максомс меки Бессарабиять Советский Союзти.

2. Максом Советский Союзти Буковинать Севернай паялксонц ся границатненъ эзга, конат пачфтьфт максеви картать эса.

СССР-ть Правительстват надияй, што Румыниянь королевский правительствасъ примасыне СССР-ть на предложенинзон и сянь велъде максы возможность мирнайста решандамс СССР-ть и Румыниянь йоткса зятанувшай конфликтть.

СССР-ть Правительстват учсы Румыниянь королевский правительстватъ ответонц тя кизонь июнь 27-це шистонза.

1910 кизонь июнь 26-це шистонза*.

Июнь 27-це шистонза Румыниянь посланниксь Давидеску господинцъ Максозе Молотов ялгати Румынский правительстватъ тяфтама ответонц:

«СССР-ть Правительстват обратился Румыниянь Правительстванцты нота мархта, конань июнь 26-це шистонза илять 10 частста вручил сонъ превосходительстват В. Молотов господинцъ, Народнай Комиссарион Советъ Председателец, Иностраннай Тевонь Народнай Комиссарсь, Давидеску господинти, Румыниянь Москуса посланниконцты.

Улемок вдохновляемый сяка жа мьяльть мархта, кода и Советский Правительствасъ, штоба няеме мирнай средстваса решандафста сембе кизефксненъ, конат могли ба тиеме разногласият СССР-ть и Румыниянь йоткса, Королевский правительствасъ азондсы, што сон анок кярмодемс тятикиге, оцю мьяльса, марсонь согласияса сембе ся предложенинцтненъ дружественнайста обсужденияснонды, конатненъ максозенъ Советский Правительствасъ.

Тяконь коряс Королевский Правительствасъ эняльди Советский Правительствати соблаговолить няфтемс васта и пинге, конатненъ сонъ мьялец фиксировать тя цельть инкса.

Кодак аныцек Румынский правительствасъ получасы Советский Правительстватъ ответонц, сон назначандай делегатт, и надияй, што Советский Правительстватъ представителензон мархта переговоровхненди результатокс кармай улеме СССР-ть и Румыниянь йоткса доброй согласиянь и дружбань кеме отношенинцтненъ тиемасна.

1910 кизонь июнь 27-це шистонза*.

Молотов ялгати мархта путф кизефксти, примасыне ли Румынский правительствасъ СССР-ть Правительстванц предложенинзон Бессарабиять и Буковинать Севернай паялксонц Советский Союзти тятикиге максоманц колга, Давидеску господинцъ отвечасъ, што Румынский правительствасъ примасыне на предложенинцтненъ.

Тянь коряс СССР-нь Совнаркомъ Председателец Молотов ялгась исяк максозе Давидеску господинти Советский Правительстватъ тяфтама ответонц:

«СССР-ть Правительстват лувондсы Румынский Королевский Правительстватъ июнь 27-це шистонза ответонц неопределеннайкс, сяс мес сонъ ответонза видеста атак азонтт, што сон примасы Советский Правительстватъ предложенинц Бессарабиять и Буковинать Севернай паялксонц Советский Союзти тятикиге максоманц колга. Но сяс мес Москуса румынский посланниксь Давидеску господинцъ азозе, што Румынский Королевский правительстватъ

тя ответонц корхтай сонъ соглашениянц колга Советский Правительстватъ предложенинцты, СССР-ть Правительстват, Давидеску господинцъ тя разясненинц ланге ваномок, предлагает:

1. 4 шинь пингста, ушедомок июнь 28-це шистонза 2 частста шить сязомок московский пингтъ коряс, сязоме румынский войскатненъ Бессарабиять и Буковинать Севернай паялксонц территориястост.

2. Советский войскатненди тяка жа пингтъ занямс Бессарабиять и Буковинать Севернай паялксонц территорияснон.

3. Июнь 28-це шинц пингста Советский войскатненди занямс пункттненъ: Черновицать, Кишеневть, Аккерманть.

4. Румыниянь Королевский правительствати сязомс эсь лангозонза ответственностть машина китненъ, паровознай и вагоннай паркть, сеттненъ, складтненъ, аэродромтненъ, промышленнай предприятитненъ, электростанциятненъ, телеграфть ванфтомаснон и аф гастявомаснон инкса.

5. Назначендамс комиссия Советский правительстватъ и Румынский правительстватъ представительснон эзда кафтонъ ломань кажнай ширеть эзда сянкса, штоба ладямс Бессарабияста и Буковинасть Севернай паялксонц румынский войскатненъ и учрежденинцтненъ эвакуацияснон колга спорнай кизефксненъ.

• Советский правительствасъ настаивает, штоба Румыниянь Королевский правительствасъ максолъ ответъ вярэ азф предложенинцтненди июнь 28-це шистонза аф 12 частта поздна.

1940 кизонь июнь 27-це шистонза*.

Июнь 28-це шистонза 11 частста шобдава Давидеску господинцъ максеь Молотов ялгати Советский правительстватъ мекольденъ заявленинц коряс тяфтама ответ Румынский правительстватъ эзда:

«Румынский правительствасъ, сянкса, штоба сатомс возможность аф тиеме серьезнай последствият, конат вятельхть ба вийнь применяндамати и Европатъ тя паялксонза военной дей-

ствиянь ушедомати, лувондсы эсь принц обязаннайкс примамс эвакуациянь условиятненъ, конат арьсефт Советский ответса.

Румынский правительствасъ йоральба, однака, штоба сроксь, кона азф 1-це и 2-це пункттненъ эса, уелъ кувалгофтф, сязондемс мьяльс, што уелъ ба паяк трудна йотафтомс нилешинь пингста территориятненъ эвакуациясна пизепненъ и наводнениятненъ сюнеда, конат колазь сообщенинц китненъ.

Смешаннай комиссиясь, кона тиендеви 5-це пунктть коряс, мог ба обсуждять и решандамс тя кизефксть.

Тя комиссияса румынский представителхненъ лемсна улихть пачфтьфть тятичненъ шиста.

1940 кизонь июнь 28-це шистонза*.

Тяфта, Румынский правительствасъ примазе СССР-нь правительстватъ предложенинц Бессарабиять и Буковинасть Севернай паялксонц Советский Союзти тятикиге максомаснон колга. Молотов ялгась азондозе Давидеску господинти, што Бессарабияста и Буковинасть Севернай паялксонц румынский войскатненъ и учрежденинцтненъ эвакуацияснон колга спорнай кизефксненъ ладямаса Советско-Румынский комиссияти СССР-нь представителъкс назначендавихть Козлов генеральс и Бодин генеральс, конат анок тятикиге жа кярмодемс работати Одесса опса марса Румыниянь представителхненъ мархта. Молотов ялгась тяфта жа азозе Давидеску господинти, што Советско-Румынский комиссиясь, кда эряксты, может обсуждять кизефксть июнь 27-це шистонза максеь советский предложенинцтненъ 1-це и 2-це пунктснон пашкодемаснон несколько частонь пингс отсрокканц колга.

Давидеску господинцъ надияфтьс эстакиге пачфтемс Советский правительствати вярэ азф Советско-Румынский комиссияв кучеви Румыниянь представителхненъ лемснон.

Июнь 28-це шистонза ровна 2 частста шить Советский войскатне ушедыхть йотама румынский границать туркс Черновицы, Кишенев и Аккерман ошненъ занямаснон инкса.

Советский войскатне пачкодсть Кишеневти, Черновицти, Аккерманти

Июнь 28-це шиня обедта меле кафта частста советский войскатне йотазь румынский границать Буковинасть и Бессарабиять севернай паялксонс сембе протяженястост. Якстерь Армиянь танковой войскатне и мотопехотасъ пачкодсть Черновица, Хотин, Сорока, Бельцы, Кишенев, Вендеры, Аккерман ошненди. Советский

войскатненъ шаштомасна йотни планомернайста и полнай порядкас кодамовок инцидентфтома. Населениясь Якстерь Армиять сембе ширде васфнесазь радостнайста, панчфса и лозунгса: „Шумбра улеза Советский Бессарабиясь!“ „Шумбра улеза Советский Союзсь!“

Аф юкстави васедема

Виница, июнь 28-це шистонза. Якстерь Армиянь частъне аныцек женерсть нолдамс Днестр ляйти понтоннай лоткатнень, Косоуцы велень крестяттне, конат лисе-мок кудстост и перестост, тусть ласькозь ляйт берякс. Инголи ласькс кодгемоньшка кизоса атя.

Пачкодемек ляйт берякс, сон седиавакса приветствовандазень Якстерь Армиянь боецнень.

Аф лама минутада инголе, пока якстерьармеецне йотасть лодкаса бессарабский берякти, тоза ни пуромсть сядот крестятт. Аватне авардсть радовамать эзда. Синь кочкесть панчфт и васьфнезь боецнень панчфонь букетса и якстерь знамянь вастс келептьф якстерь ружьса.

Днестръ берякса, кона явшне-зень мянь комось кафтува киза Бессарабиянь и Советский Союзонь трудящайхнень эсь фкяфкада, тиевсь мзярдонга аф юкстави, трагический васедемась. Бессарабский крестяттне, кода эсь инь кельговикс братснон, ашкорясть боецнень кргас, палсезь синь. Лама крестятт комотсть ведти, штоба кирнемс велямать эзда понтоннай лоткатнень, конатнень салсезень Днестръ вишкста шуди ведец. Сембе лездсть якстерьармеецнень Днестръ туркс йотамста, няфтезь куваня сяда цебярь йотамс, лездсть оружиатнень и боеприпаснень берягти лифнема-са.

Тюжятть ломань ашесть берякса. Синь приветствовандазь советский братьяснон, конат освободинадзь стака гнетть алда. (ТАСС).

СССР-ть и Финляндиять йоткса торговой договорть подписанияц

1940 кизонь июнь 28-це шистонза Москуса подписали СССР-нь Союзть и Финляндиять йоткса Торговой договор и пандоматнень колга соглашения.

СССР-ть и Финляндиять йоткса товарооборотсь договорть действиинь васенце кизостонза определяндакшневи 15 миллион американский долларонь суммаса.

Финляндиясь кармай усксема Советский Союзу буксирхт, лихтерхт, электрооборудования, меднай проводт, кетть, технический каготт, жуватань вай, сиволь и дия товархт. Советский Союзсь кармай усксема финляндияв тозер и розь, нефтепродуктат, маргонцовай руда, хлопкат, табакт и лия товархт.

(ТАСС).

Вишкотемс кроликонь водямать

Кроликонь водямась колхознень эса ащи фкя инь эрявикс отраслякс, колхозникнень материальной благополучияснон кеподемаса инь выгоднай пособнай хозяйствакс.

1939-це кизоня „Ленинский путь“ колхозса (Кировский районца, Кировский областсьа) кролиководческий товарнай фермась макось колхозть валовой продукцияцты допполнительна 53,5 тюжянь цалковай доход, и сяда башка ульсь участникокс Всесоюзной сельхозвыставкаса.

Кроликонь водямать вишкоте-маса цебарь сатфкт улихть минцонковок, Мордовиянь колхознень эсовок.

Лямбирский районца „Харриат“ колхозса кролиководческий фермась ащи инь цебарь кепотьксокс



СМИМКАСА: Сталинть лемса миллионер-колхознай поселкась (Сталинский район, Ростовский область) Фотось С. Шагальт.

Ошень трудящайхне одобряют ВЦСПС-ть обращенияц

„Кафкса частстонь рабочий шити и сисем шинь рабочей неделяти йотамать колга рабочей-хненди и служащайхненди предприятияста и учрежденияста самовольнай тумать запрещенияц колга“ ВЦСПС-ть обращенияц васьфтсь полной одобрения Саранск ошень трудящайхнень ширде.

Марямок радио вельде тя обращенияц, хлебокомбинатонь рабочайхнень и служащайхнень йоткса июнь 26-це шистонза шовдавакиге ульсь йотафтф митинг, кода присутствующайхне фкя мяльса приветствовали обращения аф правительствать и СССР-нь Верховнай Советть Президиумонц ширде поддержанай мероприятиятнень. Митингса комбинатонь стахановець — Смирнов я лгась азозе, што обращениясь, васендакиге, направленай лодырхнень, прогульщикнень и

летуттнень каршес, минь странань-конь экономический основанц кеподеманцы.

Июнь 26-це жа шистонза ульсь йотафтф митинг илядены сменаса работай рабочайхнень йотксонга, кода тяфтажа одобрядондамок вярэ азф мероприятиятнень, рабочайхне азозь, што синь нинге сяда кепотьсазь трудонь производительность.

Митингт, кода тяфтажа приветствовали ВЦСПС-ть обращенияц, йотафтф и наркомместпромть видеса швейнай мастерскойть и МАССР-нь госпланть видеса ЦУНХУ-ть учетнай филиалонц эсовок. Мекольцет эса примась участия 160 ломань.

Сембе нят митинкне корхтайхть минь народоньконь эсь социалистический родинацты нефтема преданностенц колга.

Анокламс 1940 кизонь призывти

Рабоче-Крестьянский Якстерь Армияв и Военно-Морской Якстерь Флоту физический шумбра и политически грамотнай призывниконь анокламась—Советский организациятнень оцю задачасна.

Торбеевский райононь ОСО-нь лама первичнай организацият образцовайста ладязь значкистонь анокламань тевть. Куликовский велень советонь „Дружба“ колхозонь осовахиномонь первичнай организациясь 1920-21-22 кизоня шачф призывникнень и допризывникнень йоткса аноклась ПВХО-нь значкист, конатнень пядеда ламосна макось норматнень ВС-нь значекти. Тяфтажа образцовайста работай „Красноармеец“ совхозонь осовахиномонь организацияс призывникнень и допризывникнень йоткса. Сембе допризыв-

никне макось норматнень ПВХО-нь значекти.

Но эряви азомс, што Торбеевский райононь осовахиномонь райсоветсь допризывникнень мархта работа вяти аф сатомшка. Марнек районца допризывникнень эзда 20 процент лувондови ВС-нь значкист и 50 процент ПВХО-нь значкист. Районца ОСО-нь лама первичнай организациява юктаф значкистонь анокламань работась.

ВЛКСМ-нь райкомти и комсомольский организациятнень эряви кярмодемс сембе вийса, штоба маластонь пингть ладямс кальдывста работай ОСО-нь первичнай организациятнень работаснон.

Немов.

Торбеевский район.

ЭРЬ КОЛХОЗТИ—ВОДОЕМ

Комсомолецнень инициативаснон коряс

Йотафнемок эряфс Таловский райононь „Железнодорожник“ колхозникнень починцон и ВЛКСМ-нь ЦК-ть XI-це пленумонц решениязон, Зубово-Полянский районца комсомольский организациятне активнайста кярмодсть плотинань и прудонь строямати. „Правда“, „Крым“, Буденнайть, Куйбышевть и Тельмант лемса колхозонь комсомольский организациятне деятельна ушедсть тя важнейшай мероприятият эряфс йотафнемонца. Тяфта, например, „Правда“ колхозса комсомолецнень, и аф союзнай од ломаттнень вийснон мархта строяви пруд, а паксянь станца водоем жуватань симдемс. Каргашань Куйбышевть лемса колхозса тиф плотина и строяви пруд. Шумордаф прудонь строямась Буденнайть лемса и „Крым“ колхознень эса.

Тяфтажа вишкста моли прудонь тиемась Тельмант лемса колхозса, кода комсомолецне и аф союзнай од ломаттне няфнихть пример.

Кремнев.

Допризывникне аноклайхть призывти

Саранск ошень сембе допризывниктне армияв службама молихть сембе ширде анокста. Пцтай эрь допризывникть ули обороннай значок. Тя тевти кода эряви кярмодсь осовахиномонь Саранск ошень советсь. Сон сембе предприятиянь и учреждениянь первичнай осовахиномонь организациятнень видеса организовандась кружокт, кода допризывникне кулхондкшнихть лекцият ся или тона обороннай значоконь норматнень колга.

Сембода лац работай горвоенкоматть видеса кружоксь. Тяс 105 допризывник, конат аф кунара макось норматнень ГТО-нь значокти. Июнь 21 шистонза нят допризывникне макось норматнень ГСО-нь и ВС-нь значокнень ди.

Тяфта жа аф кальдывста работай кружоксь пенькокомбинатть видеса. Тяс сембе допризывникне макось норматнень ПВХО-нь значокти.

А. Ирсьетский.

Саранск ош.

Ответ. редакторть заместителец И. ЧУДАЙКИН.

МАССР-нь Наркомземть животноводческий управлениянь зоотехникоц

САУСТИНА.